



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 211

DATUM: 22.01.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana sjednica Komisije za ekonomski razvoj općine i gradova i finansije

Potpisan sporazum o izgradnji vjetroelektrane u Tomislavgradu vrijedne oko 150 miliona eura

Odobren BFC certifikat Općini Tešanj

U protekle tri godine Općina Visoko u projekte razvoja lokalne zajednice investirala 11,5 miliona KM

Svečano otvoren drugi Centar za zdravo starenje na području Novog Sarajeva

Vlada Federacije BiH podržala donošenje Zakona o turističkim zajednicama i unapređenju turizma

Štrosmajerova ulica – galerija na otvorenom

Gradska uprava Bihaća u protekle tri godine smanjila broj zaposlenih

Gradonačelniku Komšiću uručen certifikat o oborenom Ginnissovom rekordu u najdružoj liniji biciklista na svijetu

Bilten Saveza općina i gradova Federacije Bosne i Hercegovine

ODRŽANA SJEDNICA KOMISIJE ZA EKONOMSKI RAZVOJ OPĆINA I GRADOVA I FINANSIJE

Sarajevo, 22. januar/siječanj – Jučer je u Sarajevu, u prostorijama Saveza općina i gradova FBiH održana sjednica Komisije za ekonomski razvoj općina i gradova i finansije. Sjednici su icipred općina prisustvovali: Radinka Dujak, Denis Čamdžić, Andrija Kraljević, Meliha Beširević, Ivana Maros, Branko Ivančić, Sadika Halitović i Miro Pašalić, a icipred Saveza sjednici su prisustvovali Vesna Travljanin, Selma Fišek i Zlata Turkić.

Komisiji je predstavljena informacija sa održanog sastanka pomoćnika načelnika/ gradonačelnika za finansije iz decembra 2015. godine i zaključci Predsjedništva u vezi sa Zakonom o pripadnosti javnih prihoda. U vezi s tim traženo je da se kao relevantni statistički podaci prilikom raspodjele javnih prihoda koriste podaci iz evidencije Federalnog zavoda za statistiku i/ili Agencije za statistiku BiH koji se odnose na popis stanovništva iz 2013. godine.

Komisija je posebnu pažnju posvetila Uputstvu koje je donijelo Federalno ministarstvo finansija o određivanju udjela kantona, jedinica lokalne samouprave i mjerodavnih kantonalskih ustanova za ceste u prihodima od indirektnih poreza i načinu raspoređivanja tih prihoda za 2016. godinu. U raspravi o ovome istaknuta su različita mišljenja članova Komisije. Predstavnik općina iz Tuzlanskog kantona je izrazio nezadovoljstvo Uputstvom kojim se dovodi u pitanje stabilnost većine jedinica lokalne samouprave Tuzlanskog kantona. U vezi s tim zaključeno je da se uputi zahtjev Federalnom ministarstvu finansija za detaljnu analizu Uputstva s ciljem sagledavanja efekata ovog uputstva na stabilnost pojedinih jedinica lokalne samouprave.

Posebno je izražena sumnja u obračun indeksa razvijenosti korištenog u formuli u Uputstvu za koji su se članovi Komisije usaglasili da je isti potrebno ažurirati od strane Federalnog ministarstva finansija.

Kad je u pitanju navedeno Uputstvo, članovi Komisije su u načelu podržali njegovo donošenje. Zbog značaja oblasti koju reguliše Uputstvo će se naći i na dnevnom redu sjednice Predsjedništva Saveza.



POTPISAN SPORAZUM O IZGRADNJI VJETROELEKTRANE U TOMISLAVGRADU VRIJEDNE OKO 150 MILIONA EURA



Memorandum o razumijevanju između poduzeća "Gradina" iz Tomislavgrad i kineskih tvrtki China Machinery Engineering Corporation (CMEC) i China-Africa Investment and Development Corporation (CAIDC) potpisan je 14. januara u Mostaru s ciljem izgradnje vjetroelektrane na području općine Tomislavgrad, vrijedne oko 150 milijuna eura. Memorandum o razumijevanju potpisali su direktor poduzeća "Gradina" Mate Dukić kao vlasnik koncesije te predstavnici kineskih kompanija – investitora projekta Li Xuegang iz CMEC-a i Mu Yushi iz CAIDC-a (China-Africa investment and development Co.). Ovim memorandumom strane se obvezuju na zajedničku saradnju kojoj je cilj izgradnja vjetroelektrane na lokalitetu Gradina u općini Tomislavgrad.



Po riječima direktora Dukića, još 2006. godine počelo se s mjerenjem vjetrova, urađeni su vjetro i energetski atlasi i mnoge druge tehničke stvari te je cilj da se s radovima na vjetroelektrani krene što prije. On je istaknuo kako je riječ o prvoj vjetroelektrani u našoj zemlji koja ima ogroman značaj, a čija bi izgradnja trebala završiti 2017. godine. Potpisivanju Memoranduma prisustvovao je i predsjednik Federacije BiH Marinko Čavara koji je kazao kako je riječ o značajnom projektu te je zahvalio kineskim tvrtkama što, kako je kazao, svojim investiranjem pomažu da i BiH svoju gospodarsku krizu pokuša svladati.

U ime dviju kineskih kompanija obratio se Mu Yushi koji je izrazio zadovoljstvo potpisivanjem Memoranduma, kazavši kako je domaći partner napravio pravi izbor jer je za partnere odabrao te dvije kineske tvrtke koje imaju vrlo uspješne projekte u oblasti obnovljivih izvora energije izvan granica Kine, odnosno u cijelom svijetu.

Ekonomski otpravnik poslova Ambasade Narodne Republike Kine u BiH Lei Jiandhong čestitao je na potpisivanju Memoranduma, kazavši kako će ovaj projekt zasigurno doprinijeti ekonomskom rastu, kako kantona, tako i u BiH i regiji.

O značaju ovoga projekta nakon potpisivanja Memorandum, nazočnima su se obratili i premijer kantona Draško Dalić i načelnik općine Tomislavgrad Ivan Vukadin koji su istaknuli značaj projekta za HBŽ-e i BiH, čestitali potpisnicima, te poželjeli uspjeh u daljnjem radu na projektu.

Izvor: Fena

ODOBREN BFC CERTIFIKAT OPĆINI TEŠANJ

Općina Tešanj je ispunila uslove za certificiranje općina sa povoljnim poslovnim okruženjem prema zahtjevima BFC SEE standarda (Business Friendly Certification South East Europe - BFC SEE), ispunjavajući 12 kriterija i više od 80 podkriterija, koji se odnose na unapređenje kvaliteta usluga i informacija koje jedinice lokalne samouprave pružaju privrednicima i stranim investitorima. Nakon petnaest mjeseci postupaka i procesa, obavješteni smo da je odlukom Regionalnog vijeća jednoglasno potvrđena pozitivna ocjena Komisije i da Općina



Tešanj zvanično postaje nosilac BFC sertifikata za povoljno poslovno okruženje. Ocijenjeni smo sa 94,6 od 100 mogućih bodova što je do sada najveća ocjena koju je dobila jedna općina u procesu certificiranja u regionu (Hrvatska, Srbija, Makedonija, BiH). Općina Tešanj se opredjelila za učešće u regionalnom programu Certificacija općina i gradova sa povoljnim poslovnim okruženjem u jugoistočnoj Evropi (BFC SEE) jer je htjela da ojača kapacitete za uspostavljanje kvalitetnog ambijenta za poslovanje i unaprijedi konkurentnost općine u privlačenju investicija, te podstakne razvoj privrede. Općina Tešanj ovim očekuje regionalni rang konkurentnosti i kvaliteta usluga koje pruža investitorima i privrednicima, unapređenje poslovanja, kao i priliku da učestvuje u regionalnoj razmjeni najboljih praksi. Time se pozicionira kao najnaprednija u regionu i kvalificira za podršku donatora, te aktivniju promociju na regionalnom i međunarodnom nivou. Ovom prilikom želim da zahvalim svim uposlenicima Općine Tešanj a posebno Projektnom timu koji je vodio proces certificacije, na uloženom trudu i ocjeni 94,6 od 100 što je do sada najveća ocjena od svih općina u regiji koje su prošle ovaj proces. Zahvaljujem i svima onima koji su prepoznali naša nastojanja i dokaze da želimo biti prostor koji je prijateljski posvećen kako stranim, tako i domaćim investitorima, kazao je Općinski načelnik Suad Huskić.

“Ocijenjeni smo sa 94,6 od 100 mogućih bodova što je do sada najveća ocjena koju je dobila jedna općina u procesu certificiranja u regionu (Hrvatska, Srbija, Makedonija, BiH)”, rekao je Suad Huskić

U PROTEKLE TRI GODINE OPĆINA VISOKO U PROJEKTE RAZVOJA LOKALNE ZAJEDNICE INVESTIRALA 11,5 MILIONA KM

Općina Visoko je u svom saopštenju za javnost 15. januara navela mnoge projekte na kojim Općina aktivno učestvuje, kao i sredstva koja je Općina izdvojila. U periodu od 2013. do 2015. Općina Visoko investirala je u realizaciju projekata usmjerenih na razvoj lokalne zajednice i kreiranja boljeg životnog ambijenta 11.559.671,74 KM, saopćila je danas Općina.



Grb Općine Visoko



Na donatorska sredstva i grantove viših nivoa vlasti, kao i učešće mještana, odnosi se 7.997.799,49 KM, dok se na sredstva iz budžeta Općine odnosi 3.561.872,25 KM. Realiziran je velik broj infrastrukturnih projekata tako da Općina iz godine u godinu bilježi višemilionska ulaganja u infrastrukturu, ceste, rasvjetu, vodovod i kanalizaciju, i to ne samo iz vlastitih sredstava već, što je veoma bitno, iz sredstava drugih nivoa vlasti i donatorskih sredstava po čemu Visoko spada u jednu od

najuspješnijih općina u BiH. "U protekle tri godine kreirali smo preduvjete za stabilizaciju ukupnih prilika u Visokom i stvarali pretpostavke za značajnije razvojne projekte koji će Visoko ponovno vratiti u sam vrh općina poželjnih za investiranje, sa kvalitetom življenja kakav Visočani zaslužuju. Budžetsku potrošnju smo doveli u red, čime je uspostavljeno povjerenje prema višim instancama vlasti, ali i potencijalnim donatorima i investitorima, tako da smo pronašli alternativne izvore investicija", izjavila je načelnica Općine Visoko Amra Babić, dodajući da je u godini koja je pred nama planirana realizacija projekata vodosnabdijevanja za 12.000 Visočana, ekološkog projekta izgradnje Centra za upravljanje komunalnim otpadom, dalja izgradnja komunalne infrastrukture, rekonstrukcija i asfaltiranje cesta i puteva, kao i uređenja korita rijeka i parkova. "Namjera nam je da ovaj grad i ovu općinu pripremimo što je moguće bolje za ulazak u Evropsku uniju. S tim u vezi, raduje činjenica da je sve više domaćih institucija, kompanija, ali i inozemnih investitora i predstavnika EU koji u Općini Visoko vide istinskog partnera", kazala je ona.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

SVEČANO OTVOREN DRUGI CENTAR ZA ZDRAVO STARENJE NA PODRUČJU NOVOG SARAJEVA

Nastavljajući aktivnosti na realizaciji projekta „Uspostava mreže centara za zdravo starenje“ na području Općine Novo Sarajevo, 14. januara ove godine svečano je otvoren drugi po redu Centar za zdravo starenje u naselju Velešići. Svečanu vrpcu presjekli su načelnik Općine Novo Sarajevo Nedžad Koldžo, direktor za razvojnu saradnju ambasade Švicarske u BiH Joseph Guntern i premijer Kantona Sarajevo Elmedin Konaković. Svečanoj manifestaciji prisustvovali su brojni gosti, među kojima su ambasadorica Francuske ambasade u BiH, predstavnici UNDP-a BiH, predsjedavajući OV Novo Sarajevo dr. Igor Gavrić i vijećnici OV, načelnik Općine Novi Grad Sarajevo Semir Efendić, zatim predstavnici općina Centar Sarajevo, Stari Grad Sarajevo i Domaljevac – Šamac, te članovi i prijatelji Centra za zdravo starenje.



Nakon prezentacije o realizaciji projekta uspostave mreže centara za zdravo starenje na području općine Novo Sarajevo, prisutnima su obratili premijer KS Konaković Elmedin, Joseph Guntern, direktor za razvojnu saradnju Ambasade Švicarske u BiH, zatim Zahira Virani zamjenica rezidentne predstavice UNDP-a BiH, općinski načelnik Nedžad Koldžo, Bakir Nakaš ispred Udruženja Partnerstvo za javno zdravlje BiH, te Suada Filipović članica Centra za zdravo starenje Hrasno.

U svom obraćanju općinski načelnik Nedžad Koldžo istakao je da je otvaranjem ovog centra nastavljena implementacija projekta uspostave mreže centara na području Novog Sarajeva, što je ujedno i cilj ove općine kada je u pitanju briga za osobe treće životne dobi.



Grb Općine Novo Sarajevo



Centar za zdravo starenje u Velešićima je prostor od 140 m², a sadržava prostorije za dnevne aktivnosti korisnika centra, internet kutak, kuhinju, prostoriju za savjetovanje, kancelariju za osoblje centra, te muški i ženski WC (prilagođeno osobama sa umanjnim tjelesnim sposobnostima). Korisnici Centra će imati priliku da se, kao i u Centru u Hrasnom, svakodnevno druže, bave različitim kreativnim i kulturnim aktivnostima, pohađat će

kurseve stranog jezika, računara, ali će imati priliku i slušati razna edukativna predavanja iz različitih oblasti od kojih mogu saznati nešto više o aktivnom življenju, unapređenju zdravlja i ostvarivanju svojih prava. Zajedno sa članovima već postojećeg Centra u Hrasnom moći će i organizovati izlete, kao i obilježavati značajne datume, praznike i slično.

Projekat Uspostava mreže za zdravo starenje se realizuje u okviru Projekta integriranog lokalnog razvoja (ILDP), koji predstavlja zajedničku inicijativu Švicarske vlade i UNDP-a u BiH. Na osnovu Sporazuma o provedbi projekta: „Projekat integriranog lokalnog razvoja- Uspostava mreže za zdravo starenje“, potpisanog između Općine Novo Sarajevo i UNDP-a, projekat je finansiran sredstvima Fonda za poticaj lokalnog razvoja u okviru ILDP, u iznosu od oko 30.000 KM. Općina Novo Sarajevo za adaptaciju kompletnog prostora Centra izdvojila je 220.000 KM.

Projekat je finansiran sredstvima Fonda za poticaj lokalnog razvoja u okviru ILDP, u iznosu od oko 30. 000 KM. Općina Novo Sarajevo za adaptaciju kompletnog prostora Centra izdvojila je 220.000 KM.

VLADA FEDERACIJE BIH PODRŽALA DONOŠENJE ZAKONA O TURISTIČKIM ZAJEDNICAMA I UNAPREĐENJU TURIZMA

Vlada FBiH je na sjednici od 8. januara, na prijedlog Federalnog ministarstva okoliša i turizma, podržala inicijativu za donošenje Zakona o turističkim zajednicama i unapređenju turizma u Federaciji BiH, koju je podnio poslanik u Predstavničkom domu Parlamenta FBiH Hajrudin Havić, a u vezi s presudom Ustavnog suda FBiH od 3. jula 2014. godine, kojom je utvrđeno da Zakon o turističkim zajednicama i promociji turizma u FBiH nije saglasan sa Ustavom Federacije BiH, jer nije ispoštovana procedura prijenosa



nadležnosti sa kantonalnih na federalnu vlast putem pisanih odluka kantonalnih skupština. Imajući u vidu značaj turizma u ukupnom razvoju privrede Bosne i Hercegovine u cjelini i promocije turizma kao bitnog segmenta u razvoju turističke djelatnosti, Vlada FBiH preduzet će sve aktivnosti na izradi Zakona o turističkim zajednicama i unapređenju turizma u FBiH, kako bi ova oblast bila uređena prema Ustavu FBiH i pozitivnim zakonskim propisima. Također, treba istaći da će ovaj zakon biti predložen u skladu sa ustavnim ovlastima federalne i kantonalne vlasti, odnosno jedinica lokalne samouprave.

Kako se radi o složenoj zakonskoj materiji iz nadležnosti federalne i kantonalne vlasti, on će biti dostavljen na razmatranje u redovnoj proceduri za donošenje zakonskih akata. Povodom druge inicijative Hajrudina Havića za donošenje izmjena i dopuna propisa iz oblasti ugostiteljstva i turizma i oblasti poduzetništva i obrta, Vlada Federacije BiH je utvrdila izjašnjenje kojim podržava ovu inicijativu (Zakon o ugostiteljskoj djelatnosti i Zakon o turističkoj djelatnosti). Navedeno je da je u Reformskoj agendi za Bosnu i Hercegovinu za period 2015.-2018. godina (Ažurirani Akcioni plan za realizaciju Reformske agende FBiH), koju provodi Vlada Federacije BiH, predviđeno donošenje Zakona o turizmu u Federaciji BiH, u okviru kojeg će biti obuhvaćene turističke usluge. U cilju izrade što kvalitetnijeg Zakona o turizmu u Federaciji BiH, Federalna vlada prihvatit će sve prijedloge, mišljenja i sugestije koji će doprinijeti poboljšanju turističke privrede.



Zgrada Vlade Federacije BiH

ŠTROSMAJEROVA ULICA - GALERIJA NA OTVORENOM

Općina Stari Grad Sarajevo krajem 2015. godine raspisala je konkurs za izradu idejnog rješenja uređenja ulice, u cilju prikupljanja kvalitetnih rješenja za likovno, arhitektonsko, urbanističko i hortikulturno uređenje. Najboljim je proglašeno rješenje pod šifrom "SC215" iza kojeg stoji grupa autora - Sabin Babić, Mirza Hrustemović, Tihomir Krajtmajer i Emir Kalamujić. Hrustemović koji je bio prezenter rada istakao je ponos što je Komisija izabrala upravo rješenje njegove grupe.



"Naša ideja je bila da ponudimo gradu nešto lijepo i drugačije zajedno sa kulturnim sadržajima. Simbolično smo projekat nazvali 'Galerija na otvorenom'. Želja je bila da Štrosmajerovu vratimo kao šetnicu, šetnicu vratimo gradu, a grad njegovim građanima", rekao je Hrustemović dodavši da njihova ideja nije jeftina, ali i kako je cijena relativan pojam kada se pomisli na dobit. Štrosmajerova ulica bi bila doslovno transformisana kreiranjem podzemnih galerija, sadnjom drveća čiji bi se rast kontrolisao te stakleno-metalnim nadkrovom koji neće sakrivati pogled na Trebević i Katedralu. Ploče na šetalištu bile bi načinjene od granita, dok bi sve bilo popraćeno kantama za smeće, visećom rasvjetom i staklenom platformom koja bi dijelila galeriju od nivoa šetališta.

Idejno rješenje uključuje i stvaranje parka "Dvije umjetnosti" od dvorišta koje se nalazi u sredini bloka zgrada sa desne strane ulice. Također, šira ideja preobrazbe ovog dijela grada predviđa širenje pješačke zone na ulicu Zelenih beretki i ulicu Ćururija. Ipak, taj dio projekta sačekat će neka bolja vremena.

"Slijedi izrada izvedbenog projekta gdje će se najvjerovatnije raditi korekcije u dogovoru sa samim autorima, tako da danas imamo jedno 'sirovo' stanje o tome kako ulica treba da izgleda. Ono što mi se sviđelo jeste 70-postotna natkrivenost ulice", rekao je načelnik Općine Ibrahim Hadžibajrić.

Kada je u pitanju novac, Hadžibajrić nije htio špekulisati ciframa iz prostog razloga što konačni projekat zasad ne postoji. Ipak, on je istakao kako se sve da podijeliti u nekoliko faza izvođenja radova ističući natkrov i rasvjetu kao nešto što bi se moglo najbrže i najjeftinije uraditi.

Najbolje idejno rješenje odabrala je Komisija za izbor sačinjena od pet članova, po struci diplomiranih inženjera građevine i arhitekture, dok je autorima najboljeg rješenja pripala nagrada u iznosu od 5.000 KM.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

GRADSKA UPRAVA BIHAĆ U PROTEKLE TRI GODINE SMANJILA BROJ ZAPOSLENIH



Grad Bihać jedna je od lokalnih zajednica koja je u cilju smanjenja javne potrošnje smanjila broj zaposlenih u gradskom organu uprave. Od 2012. godine broj zaposlenika smanjen je za 21 osobu. Smanjenje broja zaposlenih u gradskom organu uprave rezultat je niza stimulativnih mjera zahvaljujući kojima je veći broj radnika otišao u prijevremenu penziju. Iz Gradske uprave grada Bihaća najavljuju da će nastaviti s istom praksom i u narednom periodu. Ističu da se dosadašnji savjetnici vraćaju na posao u ustanove i institucije iz kojih su došli u gradski organ uprave. Smatraju da je ovakav način rada i razmišljanja Gradske uprave Bihać primjer mnogim drugim nosiocima izvršne i zakonodavne vlasti na svim nivoima vlasti, a sve u cilju smanjenja javne potrošnje. Smanjenjem broja zaposlenih za 21 osobu rezultirati će godišnjim uštedama na ime plata i drugih materijalnih naknada oko 500.000 KM u gradskom budžetu. Uštedena sredstava bit će iskorištena za finansiranje infrastrukturnih projekata na području grada Bihaća.



Grb Grada Bihaća



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



GRADONAČELNIKU KOMŠIĆU URUČEN CERTIFIKAT O OBORENOM GINNISOVOM REKORDU U NAJDUŽOJ LINIJI BIKIKLISTA NA SVIJETU



Predsjednik Biciklističkog saveza BiH, Zlatko Berbić, uručio je 19. januara gradonačelniku Sarajeva Ivi Komšiću certifikat o oborenju Guinissovom rekordu u najdužoj liniji biciklista na svijetu. Rekord je oboren u okviru biciklističke utrke „Sarajevo Grand Prix 2015“ održane u junu prošle godine čiji su domaćini bili gradovi Sarajevo i Istočno Sarajevo. „Želim se zahvaliti gradonačelniku Komšiću i Gradu Sarajevu što su svojom podrškom omogućili biciklistima da povodom 20. godina od Daytona obore Guinissov rekord“, istakao je

Berbić, te dodao da je na start utrke ispred zgrade Skupštine Grada Istočno Sarajevo pristiglo oko 1.300 registriranih polaznika, da bi na kraju, skupina od 984 biciklista rekreativca došla na cilj ispred Sarajevo City Centra i oborila rekord.

„Bez podrške Gradske uprave Grada Sarajeva ne bi se stvorila prilika da se doživi biciklizam ne samo kao sport, već kao rekreacija i način promišljanja. Tome će još više doprinijeti i biciklistička staza, čiju je izgradnju inicirao Grad Sarajevo“, naglasio je Berbić te dodao da će se izgradnjom Trebevičke žičare, koja će imati nosače za bicikla omogućiti da se na jednom od narednih utrka „Sarajevo Grand Prix“ napravi još veći krug preko Trebevića do Bjelašnice, odnosno oko grada i tek tada će turistički kapacitet biti upotpunjen. Posljednji rekord u broju biciklista oboren je 2010. godine u Kaliforniji kada je bilo prijavljeno 1300 biciklista, a kroz cilj ih je prošlo 916.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Grb Grada Sarajeva